


漢書地理志稽疑

二



漢書地理志稽疑

(一)

金祖望著

編主五雲王

編初成集書叢

楚漢諸侯疆域志及其他

冊 二

中華民國二十五年十二月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

鎮

*D六八三七

(本書校對者 張叔介 華國章 曹鈞石)

漢書地理志稽疑卷三

百三郡國諸縣邑，間亦有未詳攷者，一一舉之，并及注之可疑者附焉。

京兆 華陰

當有京輔都尉治五字，是傳寫之脫。

南陵 析水

案師古曰：析，先歷反，則讀如涅，而水經注引作澧水，以地而言，澧水是也，並無析水，但師古不應妄著如此攷。南陽有泥水，或以泥水通作析水，而泥水故有涅音，亦未可定也。夏侯嬰食邑析陽，是時漢未有魯地，其南陵之析陽乎？然則非澧水也。

馮翊 臨晉 故大荔，秦獲之，更名有芮鄉，故芮國。

大荔國在北地，秦滅之，遷其民于此耳。後人遂以大荔爲芮，合而一之。

沈陽

當作沔陽，卽沔水也，傳寫之譌。

扶風 郁夷 詩：周道郁夷。

恐不因詩得名，疑是古西夷種落之名。

武功 有淮水祠。

淮水不得祠于武功。當是渭水之誤。

宏農 宜陽 在澠池。有鐵官也。

齊召南曰。七字乃宏農郡下之文錯簡。複出于此。

丹水 水出上雒。東至析。入鈞。師古曰。鈞亦水名也。

鈞水。卽本志盧氏縣下之育水。班氏錯舉其名。而師古不能實指之。似別有一鈞水矣。鈞水。經作洵。

太原 廣武 河主賈屋山在北。

河主。當作句注。傳寫之誤。

上黨 屯留

當云故赤狄留吁之國。

銅鞮

當云晉大夫羊舌赤邑。

高郡 有天井關。

既見于此。則上黨郡下此句可芟。

河內 山陽 東太行山。師古曰。行。胡郎反。

杭世駿曰行本讀如字顏音晚出

隆慮 國水

水經注不載但有谷口津見河水篇或曰卽國水也胡渭曰東京以後無此水

河南 雒陽

戶五萬二千八百三十九字誤溷入河南郡下小字莽曰義陽今本誤作宜陽宋白曰秦三川郡治洛陽後徙滎陽胡三省曰秦滅周置三川郡則其治宜在雒陽予謂二家之言皆有誤秦莊襄王元年取韓滎陽已置三川郡矣不治滎陽而安治乎其後或徙洛陽耳

東郡 黎 孟康曰詩黎侯國

黎在上黨之壺關不在此其得名蓋以黎侯之所寓也孟說謬

陳留 尉氏 應劭曰鄭之別獄也

鄭之尉氏以其官氏而食邑於此因以名獄非獄在此也

濟陽

當云卽濟川王國見水經注

潁川 父城 周武王弟所封

成字誤作武

汝南 細陽

案說文是涵字。非細字。

寢 應劭曰。孫叔敖之寢邱也。世祖更名固始。

仲馮以淮陽國別有一固始縣。故疑此寢非孫叔敖所封。非也。汝南之寢。實與淮陽之固始接。皆春秋時寢邱之地。世祖并淮陽之固始入于陽夏。而以汝南之寢爲固始。志不盡詳。故啓仲馮之疑。

南陽 宛 有北筮山。育陽 有南筮聚。

筮。水經注引作澁。或以爲卽禹貢之三澁者也。

育陽 應劭曰。育水出宏農盧氏。酈曰。育水出西北。

此二育水也。育陽之育水。卽鈞水。已見宏農郡。水經注作洧水者也。酈之育水。則水經作洧水者也。不可涵舉。師古未能分晰疏通。

雉 澧水東至酈。入汝。師古曰。酈音屋。

汝潁之間無酈縣。乃酈字。非酈字。師古謬爲之音。

南郡 當陽

施廷樞曰。謂常陽水之上也。

江夏 安陸 橫尾山。古文以爲陪尾山。

泗水豈有導自安陸者。昔人辨之久矣。

廬江 舒

常云故廬江王都。

皖

杜佑云有皖水。

九江 壽春邑

常云故淮南王長都。後以爲邑。

合肥 應劭曰夏水出父城東南。至此與淮合。故曰合肥。

夏肥水豈得至合肥。應劭之妄言也。蓋誤以夏肥水爲肥水。別有詳駁。見予水經注重校本中。

山陽 湖陵 禹貢浮于淮。泗通于河。水在南。應劭曰。尚書一名湖。

此有脫文。當作禹貢浮于淮。泗通于荷。荷水在南。應劭曰。尚書河一作荷。

臺 臣瓚曰音拓。

瓚音是也。而師古于功臣侯表。乃以公老反音之。則稿字也大謬。

濟陰 定陶

常云故梁王彭越都。

乘氏 泗水東南至睢陵入淮。應劭曰：春秋敗宋師于乘邱是也。

據水經注：乃是荷水，非泗水也。泗水見魯國卞縣下。乘邱在泰山魯地。乘氏，別一邑。

沛郡 鄆 孟康曰：音多。

沈炳巽曰：據史記所引，是音多。寒反，仍讀如邯鄲之鄆。今脫去二字。丁度妄收入歌部韻中。

魏郡 元城

常云大河所築沙邱堰之地。

鉅鹿 鄆

師古詳其音，而不詳其形。當云鄆卽鄆字。

本志真定國縣曼縣卞，則正作鄆字。

常山 元氏 沮水首受中邱西山窮泉谷，東至堂陽入黃河。

以郭氏山經注校之，沮水乃泚水也。音相近而訛不然。常山無沮水，遂成萬古之疑。洪邁曰：應劭謂

元城以魏公子元得名。闕駟謂元氏以趙公子元得名，其說可疑。

中邱 逢山長谷 諸水所出，東至張邑入濁。

諸水是渚水，攷之說文始得了然。入濁乃入潁也。石勒與遼西段氏兄弟盟于渚陽，蓋其地矣。胡棣礪不知，故渾注之，世無善本，雖博物如原父、貢父亦難懸空校定，況我輩乎。

清河 靈

胡三省曰。殆卽齊之靈邱。閻若璩曰。亦無徵。于欽曰。在滕縣。則非也。

涿郡 范陽 莽曰順陰。

以在順水之陰也。

勃海 蒲領

水經注作扶領者。謬。

平原 潔陰 莽曰翼成。

水經注。莽曰巨武。

樓虛

齊召南曰。當作楊虛。誤也。見後卷。

千乘 千乘有鐵官。

千乘郡下已曰有鐵官矣。本縣無須複出。

高苑 安志作高苑

史記膠西王都宛。案膠西後改爲高密。無苑縣。徐廣遂以高苑當之。殆非也。或者膠西之苑縣。武帝以後并省耳。抑或高苑初屬膠西。而後割爲千乘耶。

濟南 歷城

常云有灤水。

泰山 盧 濟北王都也。

案濟北王傳云。國除爲北安縣。今志無此縣。殆其後改名爲盧者。地邱 隧鄉。故隧國。春秋曰。齊人殲于隧。

隧當作遂。此直是流俗本之譌。而師古不能正之。

蓋 洙水至蓋入池水。

水經注曰。池當作泗。

齊郡 臨朐 石膏山。洋水所出。

卽巨洋水。疑脫巨字。

北海 劇

水經注引志曰。王莽更名愈縣。今無此文。

東萊 睡 有之罘山祠。居上山聲洋。丹水所出。

當作居上山聲洋河。

睡亦作鍾。樂史更于文登縣云。丹水蓋在今縣西七十里清陽水側近。與之罘山相對。顧祖禹曰。亦謂之清洋河。殆卽聲洋之轉。今福山境也。然則漢志殆失去一河字。

曲成 亦作曲成。案此句應再攷。

琅邪 海西

東京初年。劉永封董憲之地。東海亦有此縣。今流俗本大抵譌爲海曲。

朱虛

師古所疑汶水有二之說。蓋讀水經注不熟也。

長廣 奚養澤在西。

職方之澤。惟此湮沒。

裨 夜頭水經裨南至海。

樂史曰。夜頭水諸地書皆失所在。卽輿地志之向水也。裨縣在今莒縣南七十里。故向城。向春秋時故邑也。

東海 下邳

常云故楚王韓信都。

繒 禹後。

然則卽鄆也。亦卽曾也。

平曲 莽曰平端。

平曲 莽曰端平。

齊召南曰：縣邑同名者皆異郡，故或加東西等字以別之。東海一郡，而平曲二邑同名，殊不可曉。以莽所更名推之一顛一倒，或者第二平曲是曲平乎？案水經注誤引平曲作西平，苟非曲平，何以成此誤乎？召南之說，得予言，實佳證也。

臨淮 儻

宜依水經注作潼，蓋以潼水得名。

會稽 餘杭 莽曰進睦。

何焯曰：宋本是淮睦。予案南史有下淮，其地在此，淮睦所由名也。

鄞

常有東部都尉治五字，見宋志，而今本脫之。

案原上有錢唐一條云：錢唐在吳之東，何以部反曰西？洪适曲爲之說而不得，予謂乃東字之譌云云，大約攷得鄞條，故將錢唐條刪去，今據寫本原批錄而存之。

丹陽 丹陽熊繹所封。

誤以吳地爲楚地，昔人辨之久矣。

勳 漸江水出南蠻夷中。

唐盧潘引志文，作浙江出勳縣南，率山東，見王氏困學紀聞。

豫章 宜春 南水

南字乃牽字之譌

武陵 鐔成 潭水

世所傳宋祁校本乃僞書然其云潭水當作鐔水則似可從也

零陵 冷道 莽曰零陵案今本作冷道

既以冷道改爲零陵則零陵不知又改何名而今本斷脫

漢中 房陵 淮水至中離入沔案今本注作中廬

中離乃中廬也古字通

廣漢 什方

侯表亦作什邡案志作什方本表作什防史記作什邡

蜀郡 郫 禹貢江沱在西

顧祖禹曰非禹迹也汶江之江沱亦非禹迹也

瀚氏道 禹貢岷山在西徼外江水所出東南至江都入海過郡七行二千六百六十里

江水所經豈止于此及見顧氏祖禹家舊本乃過郡九行二千六百六十里

汶江 澱水

以說文攷之。是泚水也。傳寫之誤。不足深訝。師古從而音以實之。則駢矣。

犍爲 南廣 符黑水

謂符縣之黑水也。

越巂 蘇示 巂江在西北。

水經注不載。

益州 牧靡 南山臘涂水所出。案今本牧作收。

南山之臘谷也。脫一字。以水經校。

牂柯 西隨 尙龍谿

水經注不載。

武都 武都 東漢水 沮 荊州川

東漢水。不正其爲大川之名。而反以沮水當之。不知沮水卽東漢之支流耳。班志于沔漢漾一派。最爲

茫然。

隴西 氐道 禹貢漾水所出。西 禹貢西漢所出。

西漢與漾本一。而再書之。甚矣其替也。

金城 破羌

屬國都尉治五字脫。

天水 平襄

據酈道元語。似天水不治平襄者。不可攷矣。

武威 媼園

六朝之溫園也。字近而訛。

張掖 饒得 羌谷水出羌中。

酒泉 福祿 呼蠶水出南羌中。

敦煌 冥安 南籍端水出南羌中。龍勒 氏羌水出南羌中。

以上四水皆弱水之支流。入于居延者。漢人皆能導以溉田。亦足見水利之修舉矣。千金之故迹。後世誰其嗣之。而并弱水之源流亦茫然。無知者可歎也。張掖之番和。爲農部都尉。治田功盛矣。○案志注曰。農都尉。百官表同。

張掖有二都尉。一治日勒。一治居延。不知誰主屬國者。予以續志攷之。則居延乃屬國都尉也。厚齋以爲日勒者非。

安定 烏氏 烏水出西北入河。

卽水經注之黑水也。由渭入河。

祖厲 應劭曰。祖音置。

案祖本作禮。其作祖者。後世之省文也。故易溺于祖。而竟忘其爲禮祝之澶矣。

北地 直路 沮水

案沮本作禮。其字與江南之沮不同。今概作省文。而沮漆之與沮漳溺矣。

歸德 渭水入河。

亦由渭以入河。

上郡 高望 北部都尉治。 望松 北部都尉治。

何以有二北部字。誤文也。

西河 增山

莽改上郡曰增山。則西河之增山必改名。而今脫矣。案今本上郡無改增山之文。

朔方 渠搜

胡渭曰。非禹貢之渠搜也。

雁門郡 馬邑

常云故韓王信都。

上谷 潘

據水經注乃潘字。自此志續志晉志魏志俱作潘。以致今本水經注亦作潘。若非通鑑注引水經。則誰

能蹤跡而正之。

遼西 肥如 平水

宋祁本謂平作畜。妄也。

鬱林 領方 又有壻水

據水經注。是領方縣南有壻水。然誤也。當從漢志。

趙 易陽 應劭曰。易水出涿郡。故安。

此是洺水。亦謂之南易水。故曰易陽。應說非。

襄國 西山渠水所出。

渠是隅字之譌。見說文。

廣平 曲周 武帝建元四年置。

酈道元曰。酈商已封曲周。非武帝始置也。予謂或其鄉邑先有曲周之名。至是置縣耳。

中山 北平

水經注引志曰。有沈水東入河。今無此文。案漢志勃海有沈陽侯國。其卽中山沈水之陽乎。非三輔之

沈水也。

新處

侯表作辛處。又作薪處。

陸成

常作涇城。以中山之苦涇得名。誤作陸。田叔傳仍作涇城。

河閒 候井

樂史曰。候井。以井得名。卽今弓高縣西北之房將池。此池每日再增減。疑其與海潛通。而地形窄小。有似于井。故以候井名其縣。歲月既久。今其泉不復有增減之候矣。

梁 睢陽

地志之首縣。于郡爲治。于國爲都。是定例也。然亦偶有不然者。梁都睢陽。而列于八城之末。反首碭。蓋梁故秦之碭郡也。碭郡殆治碭。改而爲梁國。則都睢陽。地志以是未及釐正耳。

魯 蕃 應劭曰。音皮。

師古所辨魯人爲陳蕃避諱之說。善矣。然未知蕃之本無皮音也。胡棣礪曰。據通典。則蕃乃音反。然則皮字乃反字之譌。非真有皮音也。斯言足以掃除燕說。

六安 六

常云。故九江王布都。後別爲衡山王都。

長沙 荼陵 泥水

據水經注作泔水。

水經注引是書。開有爲今所無者。今本之多有脫文。固也。然亦有絕非脫文。而出于酈氏之妄者。如泗水篇曰。下邳之宿留縣。王莽更名康義。西京無下邳郡。乃東海郡之屬縣。安得下邳郡有宿留縣乎。本無此縣。莽又何從改名乎。不知道元何所據而言之。

盛唐

見武帝紀。文穎曰。在廬江。章昭曰。在南郡。師古曰。章說是也。予案盛唐在樞陽。則文說是也。師古誤主章說。

漢書地理志稽疑卷四

志云。武帝攘卻胡粵。開地斥境。南置交趾。北置朔方之州。兼徐、梁、幽、并。夏周之制。改雍曰涼。改梁曰益。凡十三部。置刺史。其百官表曰。元封五年。置刺史員十三人。是明以夏周二代之十一州。增朔方、交趾二刺史爲十三也。司隸校尉所統不與焉。蓋司隸不可言州。校尉不可言刺史。而三輔、三河、宏農爲近畿。故不在十三州之內。猶之秦分三十六郡。而內史不與也。東京省朔方。則十三州少其一。故以司隸充之。百官志曰。建武中。復置司隸。并領一州。以見前者之不得爲州也。自顏師古注平當傳。謬言朔方不在十三州之內。則以司隸爲一部。是蓋以東京之制爲武帝制。而宋儒王厚齋因之。區分其目。載入通鑑地理通釋。今爲之糾其謬。而更定之。

司隸校尉部

京兆 馮翊 扶風 宏農 河東 河內 河南

元封置十三部刺史。其時未有司隸也。則朔方焉得不爲十三部之一。又二十有一年。始以巫蠱置司隸。猶未察七郡也。已而罷巫蠱之任。始令察七郡。蓋前此以七郡爲近畿。不置刺史。已而屬之司隸。重王吏以寵之。及成帝時。嘗省司隸之官。哀帝復之。益可知其非十三部之定員也。百官表曰。御史中丞總部刺史。而司隸不與焉。是其證矣。

豫州刺史部

潁川 汝南 沛 梁 魯 二郡三國

前漢魯屬徐州。世祖始改屬豫州。見續志。則前志以魯屬豫者。誤也。而王氏未及正之。顧宛溪亦仍其謬。

冀州刺史部

魏 鉅鹿 常山 清河 趙 廣平 真定 中山 信都 河閒 四郡六國

兗州刺史部

陳留 山陽 濟陰 泰山 東郡 城陽 淮陽 東平 五郡三國

淮陽續志屬豫州。則前志以爲兗州者。恐亦誤也。

徐州刺史部

琅邪 東海 臨淮 廣陵 泗水 楚 三郡三國

青州刺史部

平原 千乘 濟南 北海 東萊 齊 菑川 膠東 高密 六郡三國

荊州刺史部

高陽 江夏 桂陽 武陵 零陵 南郡 長沙 六郡一國

揚州刺史部

廬江 九江 會稽 丹陽 豫章 六安五郡一國

益州刺史部

漢中 廣漢 武都 犍爲 越巂 益州 牂柯 蜀八郡

益州八郡。何嘗有武都。蓋涼州之郡也。誤入武都。失去巴郡。則百三郡國止百二矣。

涼州刺史部

隴西 金城 天水 武威 張掖 酒泉 敦煌 安定 北地九郡

前志自武帝以下十郡。皆不注屬某州。蓋脫文也。而王氏由此而誤。不知前漢之涼州。祇武都、隴西、天水、安定、北地五郡。其餘皆朔方州之所統也。二千年來無知之者。

并州刺史部

太原 上黨 西河 朔方 五原 雲中 定襄 雁門八郡

前漢之并州。祇七郡。其朔方、五原二郡。合河西五郡。共七郡。爲朔方州。東京始以朔方二郡并入并州。河西五郡并入涼州。今王氏皆以續志之分部爲舊制。誤也。

幽州刺史部

勃海 上谷 漁陽 右北平 遼西 遼東 玄菟 樂浪 涿代 廣陽十郡一國

交州刺史部

南海 鬱林 蒼梧 交阯 合浦 九真 日南 七郡

當云交阯刺史未得稱交州也。說見前。

師古所云朔方不在十三州之限。其說絕無所本。若以朔方未得爲州而不與。則交阯亦未得爲州。何以獨與乎。但中興以建武十一年省朔方。而揚雄在建武之前。其作十二州箴。已不數朔方。則王莽時已并省。其事見本紀及莽傳。

沈約宋書州郡志曰。前漢刺史未有所治。劉昭注續志亦云。傳車周流。靡有定止。則其但行部而無公府明矣。然而師古引漢官舊儀曰。刺史有常治。以秋分行部。則疑沈劉之說未必然也。夫以秋分行部。則未及秋分以前。豈皆屬京師乎。是必有定止矣。志于太守之治。則首縣是也。于都尉之治。則亦書而獨刺史之治不書。何歟。曰。前漢之刺史僅六百石。官尙卑。或以此故不書耳。交廣春秋。交阯刺史治臨。元封五年移治蒼梧之廣信。是前漢刺史之可攷者矣。

漢置百三郡國序次志疑

志所載百三郡國序次似當以十三部分列之。顧不然。惟益部交部以地相從。其餘先後不可曉。并識之以俟知者。

首司隸所統郡三 三輔 宏農 河東

次并部郡二 太原 上黨

次司隸郡二 河內 河南

次兗部郡二 東 陳留

次豫部郡二 潁川 汝南

次荊部郡三 南陽 南 江夏

次揚部郡二 廬江 九江

次兗部郡二 山陽 濟陰

次豫部郡一 沛

次冀部郡四 魏 鉅鹿 常山 清河

次幽部郡二 涿 勃海

次青部郡三 平原 千乘 濟南

次兗部郡一 泰山

次青部郡三 齊 北海 東萊

次徐部郡三 琅邪 東海 臨淮

次揚部郡三 會稽 丹陽 豫章

次荊部郡三 桂陽 武陵 零陵

次益部郡八 漢中 廣漢 蜀 犍爲 越巂 益州 牂柯 巴

次涼部郡二 武都 隴西

次朔部郡一 金城

次涼部郡一 天水

次朔部郡四 武威 張掖 酒泉 敦煌

次涼部郡二 安定 北地

次并部郡七 上 以河西五郡屬涼州，而朔方、五原屬并州，而 西河 朔方 五原 雲中 定襄 雁門 并州共七郡，其朔方、五原別爲部，以統河西五郡，不屬并州也，東京罷朔方，始

朔方、五原屬并州，而

次幽部郡八 代 上谷 漁陽 右北平 遼西 遼東 卒菟 樂浪

次交部郡七 南海 鬱林 蒼梧 交趾 合浦 九真 日南

次冀部郡六 趙 廣平 眞定 中山 信都 河間

次幽部郡一 廣陽

次青部郡三 菑川 膠東 高密

次兗部郡二 城陽 淮陽 當屬豫州，續志是也，此或誤文。

次豫部國一 梁

次兗部國一 東平

次豫部國一 魯當屬兗州。漢初以魯屬楚國。屬徐州。見續志。此亦誤文。

次徐部國三 楚 泗水 廣陵

次揚部國一 六安

次荊部國一 長沙

史記諸侯王表序曰。漢初山以東盡諸侯地。漢獨有三河、東郡、潁川、南陽。自江陵以西至蜀。北自雲中至隴西與內史。凡十五郡。漢表同。

案此言似尙有誤。漢初天子自屬之地雖少。然不止十五郡也。三河而外。尙有魏郡。江陵以西。尙有武陵。而自雲中至隴西中歷北地、上郡。然則并內史爲十八郡也。

內史 河南 河東 河內 魏 東 潁川 南陽 南 武陵 巴 蜀 漢中 廣漢 隴西 北地 上郡 雲中

高帝十一年。曾罷東郡以益梁。罷潁川郡以益淮陽。然不久二國皆罷。

枚乘傳諫吳王書。漢并二十四郡。十七諸侯。

是言景帝時之封略也。而攷之亦不盡合。時景帝已分內史爲二。而取南郡建爲臨江國。則仍十八郡。

也。楚削東海及薛郡。趙削常山。而長沙王國不復得分。置之桂陽。所謂長沙無南邊。則祇二十二郡也。時方削吳之會稽及鄣郡。故乘以二十四言之。而實則吳不奉削地之詔。二郡未入漢也。其曰十七諸侯。以是時所建國數之。亦不合。

吳 楚 淮南 衡山 廬江 齊 城陽 濟南 菑川 膠東 膠西 濟北 燕 趙 梁 代 河閒 淮陽 臨江 廣川 汝南

文帝以前舊國十六。景帝封者六。凡二十二。

七國反後。新封諸國無復兼數郡者。景十三王。惟江都王以有寵故。并得丹陽。然已不得會稽矣。而應劭不知何據。謂長沙王入朝。自訴國小。遂益以桂陽、零陵。不知零陵武帝所分郡也。安得先朝卽以賜諸王乎。

漢志所載職方九山、九藪、九川、九浸地望。旣列原文于序。又分系之百三郡國下。而不可攷者闕焉。然亦有可攷而遺之者。今稍爲補綴之。閒及師古注文之得失焉。

揚州其山會稽

會稽郡山陰縣。

藪具區

會稽郡吳縣。

川三江

北江會稽郡毗陵縣。

中江丹陽郡陽羨縣。

南江會稽郡吳縣。

浸五湖

五湖不書以其卽其區也。

荊州其山衡

長沙國湘南縣。

藪雲夢

南郡華容縣。

川江漢

江蜀湔氏道。大川惟江河。不志其爲某州之川。以非一州所能該也。

漢武都漆縣。

浸潁洪

潁、潁川郡陽城縣。

滿不書。殆不知所在也。鄭康成注職方。亦曰未之聞矣。酈道元以爲滿阪之滿水。見汝水篇。然則潁川郡昆陽道也。許叔重以爲常尉豫州。蓋先及之。師古反疑于許氏之說。

豫州其山華

京兆華陰縣

藪圃田

河南郡中牟縣

川滎雒

滎不書。以已見泝水下也。

雒、宏農上雒縣

浸波澁

波不書。殆不知所在也。康成以爲滎波之波。則與滎水復出。或曰爾雅水自雒出爲波之波。則與雒水複矣。不知乃水經澁水篇之波水也。出霍陽。蓋河南郡之梁縣也。

澁不書。亦不知所在也。在南陽郡隨縣。見水經澁水篇。左傳所謂楚帥梁澁者也。

青州其山沂

沂不書。脫文也。師古曰。在泰山郡蓋縣。卽沂水所出。

藪盟豬

梁國睢陽縣。

川淮泗

淮、南陽郡平氏縣。

泗、魯國卞縣。其又書之濟陰郡乘氏縣者。荷水之譌文也。師古猶于所引禹貢中。以爲泗所出。蓋讀水經注未熟也。

浸沂沭

沂、泰山郡蓋縣。

沭、琅邪郡東莞縣。

兗州其山岱

泰山郡博縣。但不曰兗州山。

藪泰壑

山陽郡鉅野縣。

川河汾

河、金城郡河閒縣。但不書某州川。

洌、見幽州。

浸盧維

盧不書。殆不知所在也。師古曰：在濟北盧縣。非也。濟北無盧水。康成以爲雷澤之雷，則改字矣。攷水經注：在城陽國盧縣。師古失注。

維、琅邪郡箕縣。

雍州其山嶽

右扶風汧縣。

藪弣蒲

右扶風汧縣。

川涇汭

涇、安定郡涇陽縣。

汭、右扶風汧縣。

浸渭洛

渭、隴西郡首陽縣。

洛、右馮翊懷德縣。

幽州其山醫無閭

醫無閭不書脫文也師古曰在遼東郡無慮縣

藪奚養案奚亦作緩

琅邪郡長廣縣

川河洙

河已見前

洙河東郡垣縣

浸菑時

菑泰山郡萊蕪縣

時千乘郡博昌縣

冀州其山霍

河東郡彘縣

藪揚紆

不書殆不知所在也酈道元以爲鉅鹿今本水經注無此文然疑未可遽定也

川漳

上黨郡沾縣。

浸汾潞

汾、太原郡汾陽縣。

潞不書。殆不知所在也。師古曰：出歸德。蓋本鄭康成而謬。北地歸德。洛水所出。雍州浸也。豈潞水乎。闕駟曰：濁漳水。卽潞水。然則上黨郡長子縣也。師古失注。

并州其山恆

常山郡上曲陽縣。

藪昭餘祁

太原郡鄆縣。

川庠池。漚夷。案今本漚作嘔。

庠池、代郡鹵城縣。

漚夷、代郡靈邱縣。而師古于志序中注以爲代郡平舒縣。則誤以爲祁夷之水矣。豈非釋班志而自背班志者乎。

浸涑易

涑、代郡廣川縣。案廣川應作廣昌。

易涿郡故安縣

溝洫志中歷序春秋以來變更水道之詳。本之河渠篇。乃地志所相爲表裏者也。師古未及詳箋。今補之。

溝洫志曰。禹疏九川。功施三代。自是之後。滎陽下引河東南爲鴻溝。以通宋、鄭、陳、蔡、曹、衛。與濟、汝、淮、泗會。

案地志。河南郡滎陽縣有狼湯渠。首受濟水。東南至陳入潁。

狼湯水。經作葭蕩。通典作浪溶。

水經注。有渠水篇。

地志。陳留郡陳留縣。魯渠水首受狼湯渠水。東至陽夏。入渦渠。

附見水經注渠水篇。

地志。淮陽國扶溝縣。渦水首受狼湯渠水。東至向。入淮。

卽水經注陰溝水篇也。

地志。梁國蒙縣。獲水首受菑獲渠水。東北至彭城。入泗。

陰溝水之支爲汲水。次爲獲水。故水經注先汲水而後獲水。漢志不載汲水。

地志。陳留郡浚儀縣。睢水首受狼湯渠水。東至取慮。入泗。

右地志狼湯渠之原委五。卽所謂鴻溝者也。狼湯渠之至尉氏縣爲鴻溝。由是而魯渠、過渠、菑獲渠。則入淮以通睢水。皆鴻溝之沿注也。故溝洫志中以鴻溝槩之。狼湯渠之東出爲官渡水。秦人引之爲梁溝。又東爲汲水。爲獲水。則入泗以入淮。而鴻溝之水至浚儀。又合汲水。爲睢水。地志以狼湯渠統之。溝洫志中以鴻溝統之。其實一也。

鴻溝不知誰所開。閻若璩曰。蘇秦說魏王曰。大王之地南有鴻溝。則七國以前有之。晉楚戰于邲。邲則汲水。則春秋以前有之。而酈道元謂滎澤以通淮泗。又曰。昔禹塞其淫水。而于滎陽下引河。甚謬。予謂閻氏何不引職方以折之。職方。豫州其川滎洛。則滎澤豈禹所塞乎。後世如蘇軾之徒。遂謂鴻溝是禹迹。則皆道元之言啓之。而不知漢志之有明文也。宋儒惟黃文叔言之最數。

予攷古徐州志所言。頗疑鴻溝之迹始于徐偃王。志言偃王導溝陳蔡之間。以水道求之。卽沙水、過水之故址也。導之則必于滎浪。上流在宋鄭。不在陳蔡。而餘波及于睢泗者。無論矣。是亦古人之所未及者也。蓋淮濟之通。當始于徐。而江淮之通。則成于吳。四瀆之攷。皆由于霸者。

于楚西方。則通渠漢川。雲夢之際。

案地志。南郡華容縣。雲夢澤在南。夏水首受江入河。水經注有夏水篇。然不載此。

皇覽曰。孫叔敖激沮水作雲夢大澤之地。卽此事也。雲夢見于禹貢。豈叔敖作。蓋激沮水以入之者。叔敖也。沮水非沮漳之沮。卽漢水也。漢水一名沔。又一名沮。見地志。

于吳則通渠三江五湖。

案地志中江自陽羨入海。北江自毗陵入海。南江自吳入海。

此所謂通渠者。通江湖也。禹貢時之入中江。本不與太湖通。吳始通之。明高淳韓邦憲又曰。吳闔閭伐楚。用伍員計。開渠以運糧。今尚名胥溪。又有五牙山可證。是說與志合。攷左傳襄三年。楚子重伐吳。克鳩茲。至于衡山。哀十五年。楚子西伐吳。及桐汭。此舟師也。非胥溪無由達矣。自是湖流入江。舟行無阻。而漢以後人遂指吳所開爲禹故道。誤矣。

于齊則通淄濟之間。

案地志泰山郡萊蕪縣原山。菑水所出。東至博昌入濟。又地志千乘郡博昌縣。時水東北至巨定入馬車漬。

案以上所序楚、吳、齊諸侯水道變更。皆非先王所許。惟李冰之治蜀。則大有功者。不當與諸國並論也。其漏而未及列者。趙惠文王二十一年。徙漳水武平之西。二十七年。又徙漳水武平之南。八年之中。再遷巨浸。不詳所以。而河渠與此志皆不之悉。但見之世家。

十二國分野志。其謬已爲先儒所糾。然尚有未及者。今附見于此卷。鄭與韓同分可也。陳與韓同分。何所據乎。爲此說者。蓋見漢初韓王信都陽翟。而兼有淮陽。故意陳之屬韓。而不知非也。陳自當屬楚。無可疑者。況襄王東徙後。陳固楚都也。

有河北之中牟。見左傳論語。有河南之中牟。見漢志。河南之中牟。在滎陽。則固屬韓。不屬魏。漢志以歸之魏分野。謬矣。魏于滎陽固風馬不相及。魏所有乃河北之中牟。本屬趙。自惠王徙大梁後。趙以中牟易魏之浮水。不可濶也。

既曰周襄王以河內賜晉。又謂自衛文公徙河南。而河內殷虛入于晉。案河內之地。自是周賜。朝歌入晉之年。無所攷。大略當在城濮之後。非文公時也。謂楚嚴王滅陳魯。案陳亡于春秋之末。固非嚴王時。魯亡于七國之末。尤非嚴王時也。爲斯言者。冬烘之甚。而張守節因謂二國亦當屬楚分。更不足語矣。

魏分自中牟而下。曰陽武。曰酸棗。曰卷。皆是韓分。而誤以入魏。水經注曰。酸棗有韓王望氣臺。聽訟館。而史記蒙驪攻魏。定酸棗。蓋七年晚年入魏者。案此語有誤字。

漢書地理志稽疑卷五

王子功臣外戚恩澤三侯表其封國地理在本表可案者不過十之四而質之地志則多異索隱于史記註中補之幾得十之八然亦有明在地志而反爲所遺至其旁引管書地道記又多所誤者予稍爲之撫拾其後其不可攷者則闕之並采酈道元張守節樂史胡三省之言相爲疏證以附地志之後庶亦有補哉索隱曰凡地志所無者或故縣而後省或是鄉邑名

羹頡 其地不著張守節引括地志以爲山名在上谷案漢人分土西不過西河上郡北不過涿郡中

合陽 山其極邊之地不以封羹頡獨破例者欲就此山名也地志無荀記作括羹者謬乃郃陽也索隱曰馮翊地志有樂史曰信都不足信

沛 酈道元曰沛郡地志有

德 本表曰泰山而索隱曰漢表在濟南然則今本誤也但今本自宋以來皆作泰山攷功臣表則

屬濟南者是也地志無

上邳 道元曰薛縣地志無

朱虛 索隱曰琅邪地志有

東牟 索隱曰東萊地志有

菅

流俗本誤作管。索隱因以滎陽系之。非也。道元曰。濟南菅縣。于欽然之地志有。

氏邱

史記作瓜邱。索隱曰。魏案地志無瓜邱。亦無氏邱。但有斥邱耳。斥邱故魏也。

營平

索隱曰。表在濟南。然則今本脫也。史記無平字。道元亦同。地志無。

楊邱

道元曰。濟南則陽邱也。古文楊陽本通。史記倉公傳。楊盧亦作陽盧。是其證已。藝文志陽邱侯。假尤可據。地志有。

楊盧

道元曰。平原引地志以證之。而地志無其文。胡三省曰。不知所謂地志者何志也。濟召南曰。地志。平原但有樓虛。蓋今本誤楊爲樓耳。予攷功臣侯表。成帝時有樓虛侯。豐順則齊說又未合。且東京以楊盧封馬武。而續志亦無其縣。蓋不可攷矣。要其地當不離乎平原高唐之間。以其爲商河所自出也。

勅

索隱曰。平原地志有。

安都

張守節曰。高陽則涿郡也。地志無。

平昌

道元曰。琅邪。索隱曰。平原而張守節曰。上谷。則誤以爲昌平矣。地志平原之平昌曰侯國。

武成

索隱注齊世家曰。平原地志無。

白石

索隱以爲金城。謬也。是時河西未開。安得封國于匈奴城中。且旣開之後。亦未嘗于河西有封國也。張守節曰。在安惠。然則平原之鄉名是矣。地志無。

阜陵

索隱曰九江地志無

安陽

道元曰汝南是也。索隱曰馮翊案地志汝南之南陽曰侯國而馮翊無安陽

案南陽應作安陽

陽周

地志屬上郡。史記本傳及荀記作周陽則屬聞喜

東城

索隱曰九江地志有

平陸

道元曰陳留引風俗傳以證之以爲建武元年省入尉氏案地志陳留無平陸或是莽所置縣而東京省之不可以證漢表也。索隱曰西河又曰東平亦有之。胡三省曰東平近楚爲得之地

志有

休

胡三省曰孟子去齊居休卽富所封地志無

紅

杜預曰紅卽虹縣地志有

沈猷

本傳作沈猶。索隱曰漢表在高宛然則今本脫地志無

宛胸

索隱曰濟陰地志有

棘樂

地志無疑是春秋之棘櫟也

乘氏

索隱曰濟陰地志有

桓邑

亦作垣然恐非河東之垣縣也地志無

茲

地志琅邪有茲鄉英布傳豫章亦有茲鄉未知所封

安成

本表曰豫章地志無案王莽時有安成侯張普者亦封其地蓋卽長沙之安成也。

宜春

地志屬豫章。

句容

本表曰會稽地志有。

容陵

史記作句陵亦當在句容界中地志無。

杏山

地志無。

浮邱

本表曰沛地志無。

廣戚

地志屬沛曰侯國。

丹陽

本表曰蕪湖然則是時丹陽尙未置縣也凡本表如此者甚多地志有。

盱台

地志屬臨淮。

胡孰

本表曰丹陽地志有。

秣陵

地志屬丹陽。

淮陵

常從史記作睢陵故本表屬淮陵蓋其時睢陵尙未置縣也地志有。

張梁

地志無。

龍邱

本表曰琅邪地志無。

劇

道元曰北海案菑川亦有之而地志屬北海者曰侯國。

懷昌 史記作壤。無昌字。案懷字當是博字之訛。千乘縣也。地志有。

平望 地志屬北海。

臨衆 本表曰：臨原地志曰：侯國。

葛魁 徐廣曰：葛一作莒。則城陽也。地志有。賈逵曰：川阜曰魁。

益都 卽地志之益縣。

平的 索隱曰：北海。地志曰：侯國。案的史記作酌。

劇魁 索隱曰：北海。地志曰：侯國。

壽梁 本表曰：壽樂。地志無壽梁。惟周勃傳注有之。索隱以爲東郡。則卽壽良也。古文梁良本通。而地

志亦並無壽樂。不可攷。原案壽良本壽聚。見水經注汶水篇。當是聚字。

平度 索隱曰：東萊。地志有。

宜成 本表曰：平原。而地志屬濟南。曰：侯國。本表誤也。

臨胸 本表曰：東海。而地志屬東萊。案東海是胸。東萊是臨胸。本表誤也。

雷 本表曰：東海。而道元曰：是城陽之盧縣。案臧方、兗州其浸盧維。康成讀盧爲雷。則古文雷盧本

通。而東海與城陽接界。故有移屬乎。本表如此類者甚多。沈炳巽曰：東海有昌盧。地志曰：侯國。或卽此盧也。

東莞

索隱曰琅邪地志有

辟土

本表曰東海史記無土字道元曰卽城陽之辟陽地志無

尉文

本表曰南郡徐廣曰卽趙封廉頗地案此乃趙敬肅王子所封當是廉頗故邑然七國時不應有越界之封則疑是魏郡之譌也張守節曰蓋蔚州地亦意度之地志無

封斯

索隱曰常山地志曰侯國

榆邱

地志無

襄

本表曰廣平地志無案表與史記皆作襄陽今但作襄者恐是脫文抑以曉爲謚耶

邯鄲

索隱曰魏地志曰侯國

朝

地志無

東城

見前

陰城

卽地志南陽之陰縣也師古曰今襄城有陰城縣是已

廣望

索隱曰涿地志曰侯國案史記作望廣

將梁

本表曰涿地志無

薪館

本表曰涿地志無案薪史記作薪下薪處之薪同

陸成

索隱曰志屬中山表屬涿案涿有成縣疑此誤加一陸字案成今本作城史記作陸城有辨見後

新處

本表曰涿而地志屬中山

蒲領

本表曰東海誤也乃是勃海地志曰侯國

西熊

地志無

棗強

索隱曰清河地志有

卑梁

史記作畢梁本表曰魏地志無蓋非史記吳之卑梁也

旁光

史記作房光本表曰魏地志無

距陽

地志無史記楚世家及年表距陽楚地亦作鉅陽在江汝之交河閒王子越境而封非例也然

王子之封亦閒有不在國之左近者

婁

史記作婁安案南陽有婁溪見後漢書北海有婁鄉見後漢志而班氏無之

阿武

地志屬涿曰侯國

參戶

索隱曰渤海地志曰侯國

州鄉

索隱曰涿地志曰侯國

成平

流俗本誤作平成索隱曰表在南皮然則今本脫地志有

廣

本表曰勃海而地志屬齊

蓋胥

本表曰魏而索隱曰表在泰山謬也泰山無蓋胥乃蓋耳地志無

陰安

本表曰魏地志有案史記作陪安

榮關

本表曰往平地志無案史記作榮關

周望

史記作周堅地志無

陪

本表曰平原地志無

前戴字之訛

史記作叢索隱曰表在平原然則今本脫案平原之長叢溝蓋卽其地地志無

安陽

本表曰平原予攷之地志平原但有安縣曰侯國非安陽也蓋衍一字

五據

本表曰秦山地志無

富

殆卽東平之富城

平

道元曰河南地志有

羽

索隱曰平原地志曰侯國

胡毋

本表曰秦山地志無

離石

索隱曰表在上黨志屬西河然則今本脫但離石無隸上黨之理豈別是一鄉聚之名乎是未

敢決也

涉

疑卽南陽之涉都見功臣表地志無

邵

索隱曰表在山陽然則今本脫

利昌 索隱曰齊案地志無利昌但有利耳素隱不知何據

蘭 索隱曰西河地志有

武原 地志屬楚

臨河 索隱曰朔方案漢朔方諸郡不以封則別是一內郡鄉亭之名且朔方以元朔二年開而封卽

以三年匆匆改置必無之事也竊疑代共王子皆封西河則此或是西河之臨水而傳抄誤耳

高俞 地志無

隰成 本表曰西河地志有案今本表作濕志成志作隰成

端氏 地志屬河東

土軍 師古曰西河或以爲洛陽之土軍里者非也地志有

鉅乘 地志無

皋狼 本表曰臨淮地志無張增曰代共王子皆封西河乃西河之皋狼也

千章 本表曰平原張增曰非也蓋西河之千章所以封代王子此說是也其以爲平原者平原之重

邱 一名千鐘故也地志有案史記作千章徐廣曰一作斤

夏邱 地志屬沛

博陽 索隱曰汝南誤也道元以爲楚之博陽卽古偃陽則是流俗本誤爲博陽也地志有

甯陽

道元曰泰山與地志合而索隱曰表在濟南然則今本脫蓋移屬也

瑕邱

索隱曰山陽地志有然道元引此文作敬邱案地志沛之敬邱曰侯國而徧考本表無以敬邱封者則頗疑瑕邱實敬邱之譌而道元所見爲古本也

公邱

索隱曰沛地志有

郁狼

今本
作棧

韋昭曰屬魯地志無

西昌

地志無案夏侯勝傳初魯共王分封西甯鄉以封其子節侯別屬大河後更名東平共王六子封侯無西甯殆卽西昌也但本表西昌及身耐金失國無諡法而西甯有諡又疑非也共王子以節諡者三廣戚屬沛甯陽屬泰山瑕邱屬山陽其公邱義侯亦屬沛然則屬東平者誰耶蓋自三劉吳氏以來皆未之及豈故有所謂西甯節侯者而今本失之與

陸成

本表曰辛處卽薪處也案索隱曰陸成在辛處于理爲得以見前系陸成于涿之非也不知薪處前亦不系于中山而系于涿或是自涿移屬中山亦未可定但中山靖王子一封于武帝元朔二年之六月一封于三年之三月同產而所封同地又同時故索隱曰二人不應重封此予前以二年所封者乃涿郡之成侯非陸成侯也

成史記作涇城當從史記爲是漢書田叔傳亦從史記作涇城而本表與地志誤爲陸成

案今
本陸

成作
陸地

邯平 本表曰廣平地志廣平但有潮平無邯平未知誰是

武始 本表曰魏地志有

象氏 韋昭曰屬鉅鹿地志曰侯國

易 本表曰鄆索隱曰志屬涿案趙之易陽縣近鄆乃南易水卽洛水本表所指者此也涿之易則

北易水本各爲一望

路陵 本表曰南陽史記作洛陵地志無

攸輿 本表曰南陽道元曰今長沙有攸縣本名攸輿索隱亦云然則本表或是承陽而傳寫誤也

茶陵 本表曰桂陽索隱曰志屬長沙蓋移隸也

建成 索隱曰表在豫章然則今本脫而道元曰沛地志皆有案而之建成曰侯國

安衆 本表曰南陽地志曰侯國

葉 索隱曰南陽地志有

利鄉 道元曰東海利城縣東之利城是已非地志涿郡之屬也地志無

有利 本表曰東海而道元曰屬城陽之陽都地志無

東平 本表曰東海而道元曰無鹽本表誤也地志有

運平 本表曰東海地志無

山州

疑卽東海之山鄉也。

海常

本表曰琅邪而徐廣曰在東萊胡三省曰本表是也。

騶邱

地志魯有騶縣案史記作鈞邱。

南城

常是東海之南成若南城則屬豫章地志南成曰侯國。

廣陵

或如河內之別有山陽臨淮之別有廣平漢中之別有武陵未必是邗上也否則與王國之名

相重矣山陰有鄉曰廣陵。

杜原

史記作莊原地志無。

臨樂

章昭曰屬勃海地志曰侯國樂史曰莽改樂亭地理書並失所在今臨津縣界。

東野

地志無。

高平

本表曰平原地志無。

廣川

亦未必是信都之廣川以其爲王國名也。

重

本表曰平原地志重邱是也案史記作千鍾。

披陽

師古曰千乘縣也地志曰侯國。

定

地志屬勃海曰侯國。

稍

索隱曰琅邪地志曰侯國樂史曰舊地理書皆失所在在今高密縣西南濰水堰側。

山 本表曰勃海地志無

繁安 地志屬千乘曰侯國

柳 地志屬勃海曰侯國

雲 索隱曰琅邪地志曰侯國

牟平 索隱曰東萊地志有

柴 索隱曰泰山地志有

柏暢 本表曰中山案道元曰汶水逕柏暢亭東然則亭名也但屬常山地志無案史記作柏陽

鄆今本 索隱曰常山地志有

乘邱 索隱曰表在深澤然則今本脫而道元曰泰山誤也地志無案史記作桑邱

高邱 地志無

柳宿 索隱曰表在涿然則今本脫而蘇林曰柳宿在中山之盧奴見外戚傳非涿也凡中山涿之地

界犬牙交錯蓋多前後互異者

戎邱 案戎邱在天水見後漢書隗囂傳但漢室未嘗以隴上地分封則別是一地也地志無

樊輿 地志屬涿曰侯國

曲成 本表曰涿地志無

安郭

本表曰涿而道元曰屬中山之安國地志無

安嶮

地志屬中山案今本安嶮作安嶮史記同

安道

常屬南陽見功臣表地志無案史記作安道

夫夷

地志屬零陵

春陵

索隱曰南陽案本封零陵後封蔡陽之白水地志曰侯國

都梁

索隱曰零陵地志曰侯國

洮陽

索隱曰零陵地志有

泉陵

索隱曰零陵地志曰侯國流俗本誤作衆陵今據王莽傳正之

終弋

本表曰汝南地志無

麥

本表曰琅邪地志無

鉅合

本表曰平原而道元曰濟南案巨合水在濟南不在平原也地志無

昌

本表曰琅邪道元誤以爲信都之昌成地志有

蕢

索隱曰表在琅邪然則今本脫地志無

零葭

索隱曰琅邪地志有史記作零葭案今本志作零葭表作葭葭

原洛

本表曰琅邪地志無案史記作石洛

挾釐

史記作校。無釐字。案釐或是謚。而本表別有校侯。則不可合以爲一也。城陽頃王子二十二人。兼數二侯。僅得二十人耳。若合之。則十九人矣。故索隱疑之。予謂挾釐之挾。當作扶。琅邪郡之

邦縣也。邦讀作扶。因誤爲挾。而釐其謚也。

初

見前。

文成

本表曰。東海。索隱曰。遼西。予謂漢人不以上谷諸郡分封。此是東海鄉邑之名。地志無。案史記作廣曰。一作六。

校

索隱曰。或以爲琅邪祓縣。恐非。予謂是也。地志明云。祓侯國。而今表無之。則校字爲祓字之訛無疑也。

庸

本表曰。琅邪。地志無。

翟

本表曰。東海。地志無。

鰲

本表曰。襄賁。地志無。

彭

本表曰。東海。地志無。

軻

地志屬北海。曰侯國。顧炎武曰。師古本表注謂卽軻字。又音孤。而地志注謂卽執字。功臣表注謂與孤同。河東郡下作狐。未。知卽此一字否。予案東平王傳。軻山。晉灼引漢注作軻山。則軻

音是也。若執音則誤耳。其又通而爲狐亦一也。流俗本則且以輒爲報矣。

虛水

地志屬琅邪曰侯國。

東淮

本表曰北海。索隱引以爲東海誤也。馬文煒曰東淮者東淮也。古文之省。今人呼淮河爲淮河。蓋本于此而不知淮之仍讀爲淮也。地志無。

拘

本表曰千乘。索隱引以爲東海恐是索隱誤也。地志無。史記作拘。

涓

本表曰東海。索隱曰南陽有涓陽疑非東海。案史記作涓而南梁水一名涓水則或是涓字亦未可定。南梁固與東海近也。地志無。

陸

本表曰壽光。地志無。

廣饒

索隱曰齊地志有。

餅

索隱曰琅邪地志有。樂史曰安邱縣南與郛城近。

俞閭

地志無。

甘井

本表曰鉅鹿。地志無。

襄隄

本表曰鉅鹿而史記作襄陵故索隱曰志屬河東地志無襄隄。

皋虞

索隱曰琅邪地志曰侯國。

魏其

索隱曰琅邪地志曰侯國。

祝茲

本表曰琅邪。索隱曰案志則廬江之松茲亦作祝茲。予謂膠東王子所封當是琅邪。凡王子侯表同之文皆可以此類推。案今本琅邪郡無祝茲而有茲鄉。下注云侯國。

高樂

本表曰濟南。地志無。

參驪

本表曰東海。地志無。

沂陵

本表曰東海。地志無。予以爲卽臨沂。

沈陽

本表曰渤海。地志無。案道元曰中山之北平有沈水。其或與勃海接乎。張燾曰沈疑當作浮。浮陽屬勃海。案古人或以亂爲治。則張說亦近之。

漳北

本表曰魏。地志無。案漳南見項羽傳。

南繚

本表曰鉅鹿。地志有。

南陵

本表曰臨淮。地志有。

鄆

見前。

安檀

本表曰魏。地志無。

爰戚

本表曰濟南。而地志屬山陽。本表誤也。

栗

地志屬沛。曰侯國。

浚

地志屬沛。曰侯國。

獠

地志屬濟南曰侯國。

擲裴

本表曰東海謬也。地志乃魏郡之卽裴。曰侯國。師古引鄭氏曰肥鄉縣南有卽裴城。則亦旣糾之矣。

澎

師古曰東海縣也。胡三省曰檢班志無此縣。案本表彭侯注曰東海。然非縣也。師古因彭而及澎。又誤以爲縣。

松茲

地志屬廬江曰侯國。

溫水

地志無。

蘭棋

今本作旗

地志屬東海曰侯國。

容邱

地志屬東海曰侯國。

良成

地志屬東海曰侯國。

蒲領

見前。

南曲

地志屬廣平。

高城

地志屬南郡。予以爲是勃海之高成也。

成

本表曰涿。地志曰侯國。

新市

本表曰堂陽。蓋建國時未置縣也。地志曰侯國。

江陽 本表曰東海。地志無。

陽武 地志屬河南。荀紀作武陽者。謬。

朝陽 本表曰濟南。地志曰侯國。

平曲 本表曰東海。地志曰侯國。

南利 本表曰汝南。地志無。道元曰。今汝陽縣有南利、北利二城。

安定 本表曰鉅鹿。地志曰侯國。

東襄 本表曰信都。地志無。

宣處 地志無。

修市 本表曰勃海。地志曰侯國。

東昌 地志屬信都。曰侯國。

新鄉 莽傳作信鄉。師古曰。古新信通。地志屬清河。曰侯國。

修故 本表曰清河。地志無。

東陽 地志屬清河。曰侯國。

新昌 本表曰涿。地志曰侯國。

邯溝 本表曰魏。地志曰侯國。

樂陽

本表曰常山地志曰侯國。

桑中

地志屬常山曰侯國。

張

本表曰常山而地志屬廣平。

景成

本表曰勃海地志曰侯國樂史曰今清池縣界所謂五壘城者也。

平隄

本表曰鉅鹿而地志屬信都曰侯國樂史曰今棗強縣之棗北。

樂鄉

本表曰鉅鹿而地志屬信都曰侯國。

高郭

地志屬涿曰侯國樂史曰今鄭縣界澆水過其城南東流稱褰角城以水褰其角而過也。

鄭

地志屬涿而師古曰河閒誤。

樂望

本表曰北海地志曰侯國。

成

本表曰北海卽地志之成鄉也曰侯國。

柳泉

本表曰南陽地志屬北海曰侯國本表誤也張燾曰膠東戴王子並封北海。

復陽

本表曰南陽地志曰侯國。

鍾武

地志屬江夏曰侯國而道元曰零陵。

高城

顧炎武曰是國重出。

富陽

地志屬泰山。

海昏 本表曰豫章地志有。

曲梁 本表曰魏而地志屬廣平曰侯國。

遼鄉 本表曰常山地志無。

新利 地志無。

戶都 常是石鄉二字之譌。地志屬北海曰侯國。

樂信 本表曰鉅鹿地志曰侯國。

昌成 本表曰信都地志曰侯國。

廣鄉 本表曰鉅鹿而地志屬廣平。

成鄉 本表曰廣平案地志作城鄉若成鄉則高密之屬也。

平利 本表曰魏而地志屬廣平。

平鄉 本表曰魏而地志屬廣平。

平纂 本表曰平原地志無。

成陵 本表曰廣平地志無。

西梁 本表曰鉅鹿而地志屬信都曰侯國。

歷鄉 本表曰鉅鹿地志曰侯國。

陽城

地志屬汝南曰侯國。

柞陽

本表曰廣平地志無。

武陶

本表曰鉅鹿地志曰侯國。

陽興

本表曰涿地志無。

利鄉

本表曰常山案地志常山乃都鄉而利鄉屬涿本長誤也。

都鄉

本表曰東海案地志常山有都鄉曰侯國非東海也此二國蓋互舛都鄉乃常山也利鄉則東

海見前所引道元說。

昌慮

本表曰泰山而地志屬東海曰侯國。

平邑

本表曰東海地志無。

山鄉

本表曰東海地志曰侯國。

建陵

本表曰東海地志曰侯國。

合陽

本表曰東海案地志但有合鄉。

東安

本表曰東海地志曰侯國。

承鄉

本表曰東海案地志承縣曰侯國。

建陽

本表曰東海地志曰侯國。

高鄉

本表曰琅邪地志曰侯國

茲鄉

本表曰琅邪地志曰侯國

藉陽

本表曰東海地志無

都平

本表曰東海地志曰侯國

棗

本表曰琅邪地志曰侯國

箕

本表曰琅邪地志曰侯國

高廣

本表曰琅邪地志曰侯國樂史曰在今莒縣界

卽來

本表曰琅邪地志曰侯國

膠鄉

本表曰琅邪地志無

桃

本表曰鉅鹿而地志屬信都

安平

本表曰鉅鹿而地志屬信都

陽山

本表曰桂陽地志曰侯國

庸

見前

昆山

本表曰琅邪地志曰侯國樂史曰在今莒縣界

折泉

本表曰琅邪地志曰侯國樂史曰在今莒縣東北界分流山

博石

本表曰琅邪地志曰侯國

要安

本表曰琅邪地志無

房山

本表曰琅邪地志曰侯國

式

本表曰泰山地志有

臨鄉

本表曰涿地志曰侯國

西鄉

本表曰涿地志曰侯國

陽鄉

本表曰涿地志曰侯國

益昌

本表曰涿地志曰侯國

羊石

本表曰北海地志曰侯國

石鄉

本表曰北海地志曰侯國

新城

本表曰北海地志曰侯國

上鄉

本表曰北海地志曰侯國

于鄉

本表曰北海地志曰侯國

就鄉

本表曰東海地志無

石山

地志屬琅邪曰侯國

都陽 地志屬東海曰侯國。

參封 地志屬琅邪曰侯國。

伊鄉 地志屬琅邪曰侯國。

襄平 地志屬臨淮曰侯國。

賁鄉 以承鄉侯例之。當是賁縣之賁鄉。屬鉅鹿。

樂 地志無。

中鄉 地志屬山陽曰侯國。

鄭 地志屬山陽曰侯國。

黃 本表曰濟陰。而地志屬山陽曰侯國。

平樂 地志屬山陽曰侯國。

菑鄉 本表曰濟南。而地志屬山陽曰侯國。本表誤也。

東鄉 本表曰沛。地志有。

陵鄉 本表曰沛。地志有。

漂陽 本表曰沛。地志有。案今本漂陽作漂陽。

釐鄉 本表曰沛。地志無。

高柴

本表曰沛。地志曰侯國。

臨都

地志屬沛。

高

地志屬沛曰侯國。

北鄉

地志屬齊曰侯國。

蘭陵

地志屬臨淮。其東海亦有之。而屬臨淮者曰侯國。

廣平

地志屬臨淮曰侯國。

博鄉

地志屬九江曰侯國。

柏鄉

地志屬鉅鹿曰侯國。

安鄉

地志屬鉅鹿曰侯國。

廣

本表曰齊。地志有。

平

本表曰齊。案地志齊之廣平曰侯國。而別無所謂平者。蓋平乃河南之屬縣也。

昌鄉

以承鄉貫鄉例之。當是昌縣屬琅邪。

頃陽

今本作順陽。地志無。

樂陽

地志曰常山。然是乃膠東王子所封。當是陽樂。地志屬東萊曰侯國者也。今表中無以陽樂封者。則此樂陽爲傳寫之誤無疑。

平城

地志屬北海曰侯國。

密鄉

地志屬北海曰侯國。

樂都

地志屬北海曰侯國。

卑梁

見前。

膠東

今本作膠陽。

當是膠陽之訛。其時有膠東王。不應又有膠東侯。而北海之膠陽。地志曰侯國。故知其爲傳

寫之失也。應劭曰。淳于縣有膠陽亭。蓋其後并入淳于也。

武鄉

地志屬琅邪曰侯國。

成鄉

地志屬高密。樂史曰。郡國縣地道記云。北海有成鄉。王莽改曰石樂。此成鄉。王莽改曰順成。則

此成鄉。蓋在安邱縣北。與北海成鄉犬牙相接。

麗茲

地志琅邪有麗縣曰侯國。

寶梁

地志無。

廣戚

見前。

陰平

地志屬東海曰侯國。

承鄉

見前。

樂平

屬平氏。見恩澤表中。

外黃

地志屬陳留。

高陽

地志屬琅邪曰侯國。樂史曰。在今高密縣西北。一名膠陽亭。

平陸

見前。

郿鄉

地志屬東海曰侯國。

宰鄉

地志無。

建鄉

地志屬東海曰侯國。

安邱

地志屬琅邪。其北海亦有之。而屬琅邪者曰侯國。

栗鄉

地志屬山陽曰侯國。

金鄉

道元曰。金鄉。鉅鹿縣之東界。後漢置縣。地志無。

平通

當屬博陽。在汝南。見功臣表中。地志無。

西安

地志屬齊。

湖鄉

當屬山陽之湖陵。地志無。

重鄉

道元曰。濟水東逕重鄉城南。左傳所云重館也。地志無。

桑邱

在七國時爲齊地。見史記。地志無。但齊之桑邱有二。其一近楚。卽泰山之桑邱也。其一近燕。在

易州。

陽興

見前。

案今本此下尚有陵陽一條。

高樂

常屬濟南。見前。否則常屬新野。蓋以恩澤表師丹所封知之。

平邑

見前。

平纂

見前。

合昌

地志無。

伊鄉

見前。

就鄉

見前。

膠鄉

見前。

宜鄉

地志無。

昌成

見前。

樂安

地志屬千乘。

桃鄉

地志屬泰山曰侯國。

新陽

地志屬東海。其汝南亦有之。而屬東海者曰侯國。

陵石

一作陽石者是也。地志屬東萊。樂史曰。後漢省并當利。今之掖縣。

祁鄉

地志屬沛曰侯國。

富陽

地志屬泰山。

曲鄉

本表曰濟南而地志屬山陽曰侯國。本表誤也。

桃山

地志屬泰山曰侯國。

昌陽

地志屬臨淮曰侯國。

臨安

地志屬琅邪曰侯國。

徐鄉

本表曰齊而地志屬東萊。

臺鄉

地志屬齊曰侯國。

西陽

本表曰東萊而地志屬山陽曰侯國。本表誤也。

堂鄉

地志無。

案今本此下尙有安國侯一條。

梁鄉

地志無。

襄鄉

地志無。

容鄉

地志無。

緹鄉

地志無。

廣昌

地志屬代。

都安

地志無。

樂平

見前。

方鄉

地志無。

庸鄉

地志無。

南昌

地志屬豫章。

嚴鄉

胡三省曰。當在東平。

武平

胡三省曰。當在東平。

陵鄉

見前。案東武城亦有之。

武安

地志屬魏。

湘鄉

道元曰。零陵。地志無。

方樂

地志無。

宜禾

殆卽南陽之筑陽。王莽所更名者。

宜春

地志屬會稽。案今本宜春作富春。

陶鄉

地志無。

釐鄉

見前。

昌鄉

見前。

新鄉

見前。

鄱鄉

見前。

新成

地志屬北海。曰侯國。

宜陵

屬杜衍。見恩澤表中。地志無。

堂鄉

見前。

成陵

見前。

成陽

地志屬汝南。其濟陰亦有之。而屬汝南者曰侯國。

復昌

地志無。

安陸

地志屬江夏。

梧安

地志無。

朝鄉

地志無。

扶鄉

地志無。

方城

地志屬廣陽。

常陽 地志屬南郡。

廣成 地志無。

春城 地志無。

昭陽 道元曰。邵陵縣。故昭陽。則長沙也。

承陽 地志屬長沙。

信昌 地志無。

呂鄉 常在南陽大呂小呂二亭之交。

李鄉 徐廣曰。河內平皋縣有李城。

宛鄉 屬南陽。

壽泉 地志無。

杏山 見前。

右皆王子侯表。

漢書地理志稽疑卷六

平陽

索隱曰。河東。地志有。

信武

地志無。索隱曰。故縣。後省。杭世駿曰。信武是名號。失其地。

汝陰

索隱曰。潁川。地志有。案今本索隱云。屬汝南。

清河

史記作清陽。地志。清河郡治清陽縣。

陽陵

楚漢春秋作陰陵。索隱曰。馮翊案。馮翊之陽陵。故弋陽。景帝更名。非開國所封也。陰陵在九江。

廣

觀後。傅寬孫以與淮南謀反誅。則是九江。地志無。

廣平

地志屬齊。而索隱曰。晉書地道記在東莞。不已僨乎。

平棘

地志屬常山。

博陽

索隱曰。汝南。地志曰。侯國。

塞

索隱曰。在桃林西。地志無。

堂邑

索隱曰。臨淮。地志有。

隆慮

索隱曰。河內。地志有。

曲逆

索隱曰中山地志有

留

韋昭曰彭城地志有

射陽

索隱曰臨淮地志有

鄼

索隱曰初封沛之鄼後封南陽之鄼謬也杜佑曰在南陽不在沛地志南陽之鄼曰侯國

筑陽

地志屬南陽

武陽

地志屬東海曰侯國史記作武陵

絳

索隱曰河東地志有

脩卽條

地志屬信都

平曲

地志屬東海曰侯國

舞陽

索隱曰潁川地志有

曲周

索隱曰廣平地志有

繆

地志有

潁陰

索隱曰潁川地志有

臨汝

當是汝南之故縣而後省

汾陰

索隱曰河東地志有

安陽

地志屬汝南曰侯國。

梁鄆

索隱曰濟南地志有。

戍

道元引此作郿曰在泰山。索隱曰涿。

節氏

當是卽邱之誤屬東海。

蓼

索隱曰六安地志有。

費

索隱曰東海地志有而師古曰非季氏邑則索隱誤也。據師古于季氏邑曰音祕于此曰音扶味反。但不言其所在。案顧炎武曰南武成卽費也。

巢

在廬江之居巢也。地志有。

陽夏

索隱曰淮陽地志有。

隆慮

見前。

陽都

道元曰城陽地志有而索隱曰地志闕。晉書地道記在琅邪非也。

陽信

地志屬勃海而史記作新陽故索隱曰汝南。

東武

索隱曰琅邪地志有。

汁防

索隱曰廣漢地志有卽汁方。漢人不以巴蜀爲封國。汁防終以宿憾而平州則以其土著也。見後。

棘蒲

見左傳。應劭曰。卽平棘。師古曰。非也。然宋白尙守其說。胡三省曰。據靳歙傳。乃趙地。在安陽東。是也。地志無。羅廷唯曰。當作棘津。班固有棘津侯銘可證。予謂此不足據。

都昌

地志屬北海。

武強

道元曰。曹參傳還攻武強。因至滎陽。臣瓚云。在陽武是也。胡三省曰。廣川屬縣。謬矣。地志無。

蕢

索隱曰。鉅鹿。地志有。

海陽

索隱曰。南越縣。志闕。而道元曰。是遼西之海陽。案遼西誠有海陽。然邊郡不以封。而搖母餘係越將。則索隱之說是也。

南安

索隱曰。屬犍爲。又曰。建安亦有此縣。是時二方俱未開。安得以後世地名釋開國之封域乎。蓋必別有其地。而不可考矣。

肥如

索隱曰。遼西。地志有。案漢人分土。凡邊郡及巴蜀險惡之地。皆不以封。蔡侯本遼西人。而因封之。觀其曾孫尙爲肥如大夫。可證。

曲成

索隱曰。漢志闕。表在涿。然則今本脫。惟是以志爲缺。則東萊明有曲成矣。何冬烘也。胡三省曰。東萊是也。況列侯位次曲成侯。又稱夜侯。夜乃古掖字之通。曲成與掖俱屬東萊。益知非涿地。審矣。

河陽

索隱曰。河內。地志有。

淮陰 索隱曰臨淮地志有

芒 索隱曰沛地志有

張 地志屬廣平

敬市 索隱曰河南齊召南曰據地志當作故市

柳邱 索隱曰勃海蓋卽柳縣也地志曰侯國

魏其 索隱曰琅邪地志曰侯國

祁 索隱曰太原地志有

平 索隱曰河南地志有

魯 索隱曰魯地志有案是時尙稱薛郡也

城父 索隱曰沛地志有史記作故城

任 索隱曰廣平地志有

棘邱 地志無

阿陵表作河陵 索隱曰涿地志有

南 蓋南陽之南郡也地志無

昌武 地志屬膠東不知索隱何以曰闕

高苑表作宛

索隱曰千乘地志有

宣山

索隱注貨殖傳曰當作京輔今闕其地

發婁

地志無

終陵

史記作絳陽故道元以爲晉都然本表無注

東茅

京相璠曰今高平縣西有茅鄉城則屬泰山地志無河內有茅故此以東別之

斥邱

表作邱

索隱曰魏地志有之變案斥卽斥

臺

索隱曰臨菑郡有臺鄉縣案項王改齊郡曰臨菑漢復改曰齊地志有道元亦呼爲臺縣

安國

索隱曰中山地志有

樂成

韋昭曰河閒地志有

辟陽

索隱曰信都道元亦云然恐非也本表辟陽近留川則非信都矣當是城陽之辟陽也地志無

鄆城

本表曰長沙不知索隱何以于表則引晉書地道記以爲北地于傳則引三蒼以爲城父而張

守節旣以爲河南又以爲陳倉皆因史記作蒯城而誤也地志無若以穆天子傳西征所至之

蒯合之當是北地而說文則曰右扶風鄆有此鄉案三輔自定鼎後不以封

鄆

沛

卽沛縣地志有

安平

索隱曰。涿。胡三省曰。非留川之東安平縣也。案豫章亦有安平。地志曰。侯國。而鄂千秋孫以交通淮南誅。則疑其爲豫章也。

北平

索隱曰。中山。地志有。樂史曰。今滿城縣。

高胡

地志無。

厭次

卽富平。地志有。道元曰。應劭謂明帝改富平曰厭次。以表觀之。知厭次舊名。非始明帝。殆復故耳。予謂不然。凡地名多屬古人所有。而後世取以氏其縣。如鄆之改名禾成。出自王莽。而高祖已以禾成封公孫。昔曲周置自武帝。而高祖已以曲周封酈商。金鄉置自東京。而班氏王子侯表中已有之。皆其例也。

平皋

索隱曰。河內。地志有。

復陽

道元曰。清河。索隱曰。南陽。案地志。南陽之復陽曰侯國。則疑非清河也。

陽阿

表作河

道元曰。平原。蓋誤以爲阿陽也。索隱曰。上黨。地志有。

埤山

地志。琅邪有埤縣。然非埤也。

柏至

地志無。

中水

索隱曰。涿。地志有。樂史曰。今樂壽縣之西北。地居兩河之間故名。

杜衍

索隱曰。南陽。地志有。

赤泉

索隱注項羽本紀曰疑卽丹陽之丹水案此亦以意言之地志無

臨汝

見前

朝陽

道元曰濟南而索隱曰南陽地志屬濟南者曰侯國

棘陽

索隱曰南陽地志有

涅陽

索隱曰南陽地志有

平棘

見前

深澤

索隱曰中山地志有

史

地志無

檉表作檉

索隱曰扶風又曰河東亦有郇城地志有史記作恂齊召南曰三輔不應分封予謂同時郃陽宣

曲已有之矣特後此則無耳若其地則楚亦有之

歷

史記作磨索隱曰歷在信都而劉氏欲依字讀然無證予謂磨是濮上地史記春申君不云濮

磨之北乎安在無證也王厚齋曰國策割濮磨之北屬燕則當在河北

武原

地志屬楚

豪

索隱曰山陽地志有

宋子

索隱曰鉅鹿地志有

猗氏

索隱曰河東地志有

清

索隱曰東郡地志有

彊

地志無

彭

索隱曰表屬東海然則今本脫地志無

吳房

索隱曰汝南地志有

甯

道元曰河內胡三省從之而索隱曰漢表甯陽屬濟南然則今本脫但恐非也案濟南有甯城

非甯陽而河內之甯更古道元是也地志無

昌

索隱曰琅邪地志有

共

索隱曰河內地志有

闕氏

道元曰闕與則近上黨固無確證索隱曰安定則烏氏矣亦未敢信也

安邱

地志屬琅邪曰侯國而索隱曰北海

襄平

索隱曰臨淮地志曰侯國道元曰遼西者非

龍陽

史記無陽字道元曰泰山博縣之龍鄉也左傳齊侯伐我取龍是也地志無索隱曰是廬江之

龍舒非也

平

史記作繁索隱以爲魏郡之繁淵案索隱淵作陽而未敢堅或曰蜀郡之繁縣也亦未足信若河南之

平已建國矣。一地不應再封。蓋莫可攷。

師古曰。秦本紀所云陸梁地也。案陸梁者。南粵三郡之通稱。此陸量特其一縣耳。地志無。

陸量

史記作高京。疑卽太原之景陵也。地志無。

高景

其地當在緇水之上。卽澠水也。屬齊。地志無。

離

其地當在離水之上。卽濰屬也。屬零陵。地志無。

義陵

史記言義陽。故索隱曰。汝南非也。義陵乃武陵之屬縣。故吳郢以長沙柱國封焉。猶之鄧弱以

宣平

長沙將。故封離也。索隱求之地志。得一而足。而不知審其地之所近。

睢陵

地志無。史記表曰。張敖子偃改封南宮。徐廣曰。改封信平。案南宮。地志屬信都。

信都

地志屬臨淮。史記作新都。古新信通。

樂昌

地志屬汝南。徐廣曰。細陽之池陽也。胡三省曰。東郡亦有此縣。案范史張酺傳曰。是池陽。

東陽

索隱曰。臨淮地志有。而樂史曰。是清河郡之東陽。

慎陽

索隱曰。汝南地志有。

開封

索隱曰。河南地志有。

禾成

道元曰。和成。則莽新分置下曲陽之郡也。屬鉅鹿。然非也。蓋常山之鄙。莽改爲禾成者也。地志

有。

堂陽

索隱曰。鉅鹿地志有。

祝阿

索隱曰。平原地志有。

長修

索隱曰。河東地志有。

陽平

索隱注。恩澤表曰。東郡。

江邑

地志無。

榮陵

長作營

索隱曰。北海地志有。

土軍

索隱曰。西河地志有。

廣阿

索隱曰。鉅鹿地志有。案今本史記阿作河。應從漢書。

須昌

索隱曰。東郡地志有。

臨轅

地志無。

汲

索隱曰。河內。趙一清曰。道元引此作波。亦河內也。地志有。

甯陵

史記作寧陵。索隱曰。陳留地志有。

汾陽

索隱曰。太原地志有。

江都

地志無。

戴

應劭曰。故菑縣。舊本作戴。讀如再。地志有。

衍

道元曰。封邱案衍氏魏地。見曹參傳。亦有但曰衍者。魏世家秦拔我垣蒲陽衍是也。索隱衍當

爲卷近。張守節曰。地志無。案近字疑有誤。

平州

其爲王峽所封者。屬泰山之梁父。而非此之平州也。索隱曰。晉書地道記屬巴郡。案漢人不以

巴蜀分封。而昭涉掉尾疑是巴人。故建國焉。本表其元孫尙爲涪不更福。可證也。索隱所引晉

記。唯此條爲可信。但不知地志何以不載。

中牟

索隱曰。河南地志有。

邶

索隱曰。南郡地志有。

博陽

索隱曰。彭城地志有。

史記作陽義。索隱曰。宜陽。謬也。在會稽。地志有。

陽羨

索隱曰。臨淮地志有。

下相

索隱曰。琅邪地志曰。侯國。

高陵

索隱曰。汝南地志有。

期思

地志屬東海。而索隱曰。志闕。引晉書地道記以疏之。則可怪矣。

穀陽

地志屬沛。案史記屬作陵。

嚴 史記作莊避諱也齊地左傳得慶氏之木百車于莊斯其地矣地志無

成陽 索隱曰汝南地志曰侯國

桃 索隱曰信都地志有

高梁 道元曰河東地志無

紀信 地志無

景 史記作甘泉索隱曰疑是甘水亦無據地志無

張 見前

袁粲 索隱曰宛胸案此見續漢書郡國志而樂史曰信都縣之東北

僞陵 索隱曰潁川地志有案史記僞作鄆

鹵 地志屬安定史記作鹵案本表曰鹵

便 本表曰編則屬江夏但疑非也道元曰桂陽郡有便縣地志無

軟 本表曰江夏地志有樂史曰今光州仙居縣界

平都 索隱曰東海地志乃都平非平都也平都屬上郡

南宮 本表曰北海索隱曰信都予謂北海之南宮鄉名也張買所封信都之南宮縣名也張偃所封

不然同時而重封可乎哉地志無

梧

索隱曰。彭城地志有。

平定

地志屬西河。

博成

張守節曰。今兗州博成。本漢縣。不知其爲泰山之博。而非博成也。案本表別有博成。見後。

沅陵

索隱曰。武陵地志有。

中邑

地志屬勃海。

樂平

常屬平氏。見恩澤表中。案今本樂平作樂成。

山都

地志屬南陽。

祝茲

已見王子表中。

成陰

史記作成陶。予以爲武陶之譌。地志屬鉅鹿。曰侯國。

俞

索隱曰。清河。卽地志之鄒。

醴陵

索隱曰。清河地志有。案今本作長沙。

陽信

索隱曰。表在新野。志在勃海。然則今本脫。

壯武

索隱曰。膠東地志有。

樊

索隱曰。東平地志有。

沅陵

史記作波陵。案沅水在南郡宜城。沅陵以此得名。波字非也。地志無。案索隱又云。漢長波作沅。今漢表已作沅。

南鄭

李彤曰河內有鄭亭地志無

黎

索隱曰東郡地志有案史記黎作黎

餅

索隱曰琅邪地志曰侯國案史記餅作餅

弓高

本表曰營陵而地志屬河間胡三省曰河間置國在隋當封侯前故表志異予謂此皆先後改屬者然亦有本表誤系而當以志正之者如蒲領卽裴之系于東海正復不一而足

龍領

索隱曰平原地志曰侯國據樂史則與弓高皆在信都

按道

本表曰齊地志無

襄城

本表曰魏地志無索隱以爲潁川者非也顧祖禹曰元城縣有襄城漢封韓嬰于此案元城屬

魏其言與表合案史記城作成

故安

索隱曰涿地志有

清安

史記作博注作靖安地志無

俞

見前

建陵

地志屬東海曰侯國

建平

索隱曰沛地志曰侯國

平曲

索隱曰漢表在高城蓋勃海之高城也然則今本脫道元誤以爲金城之西平地志無地志但于東海之平

曲曰侯國。與表亦不合。樂史曰。在今霸州永清縣。

南奔

地志無。恐卽左傳之石窮也。

葛繹

地志本注。乃山名。屬下邳。

江陽

索隱曰。東海縣名。案地志無之。蓋據王子表。殆是鄉名也。道元以爲韃爲之江□□矣。

遼

索隱曰。漢表鄉名。在常山。然則今本脫。

新市

索隱曰。鉅鹿地志曰。侯國。

商陵

索隱曰。表在臨淮。然則今本脫。地志無。

山陽

地志屬河內。

安陵

索隱曰。卽僞陵。

桓

索隱曰。河東地志有。案史記作垣。

澇

索隱曰。涿地志有。案史記作道。

容城

索隱曰。涿地志有。案史記作城。

易表作

索隱曰。涿地志有。

范陽

本表曰。涿地志有。

翁

本表曰。內黃地志有。

亞谷

索隱曰。漢表在內河。然則今本脫。地志無。樂史曰。乃容成縣之渾泥城。見水經。景帝改爲亞谷城。以封。

塞

見前。

翕

見前。

特嶺

本表曰。南陽。地志無。史記作持裝。

親陽

本表曰。舞陽。案親字乃灝字。謂灝水之陽。地志無。

若陽

本表曰。平氏。地志無。

平陵

本表曰。武當。地志無。案樂史曰。今霸州大城縣。亦異聞。

岸頭

本表曰。皮氏。地志無。

涉

已見王子表中。

昌武

本表曰。舞陽。地志無。案今本索隱作武陽。

襄城

索隱曰。漢表作襄武。然則今本漢表作襄城者。因史記誤也。攷師古注。景武功臣表。已作襄城。則誤久矣。猶賴索隱之言以正之。但本表曰。襄垣。則是上黨屬縣之鄉名。而索隱曰。隴西。又誤也。地志無。

安樂

本表曰。昌。蓋鄉名也。道元以爲樂安。在千乘。則舛矣。地志無。

合騎

本表曰：高城。地志無。

軹

史記作涉軹。本表曰：西安。地志無。

從平

本表曰：樂昌。地志無。

隨城

本表曰：千乘。地志無。案：史記城作成。

博望

索隱曰：南陽。地志曰：侯國。

衆利

索隱曰：表在陽城姑莫。今本無陽城二字。地志無。

牘表作
濠誤

本表曰：舞陽。地志無。

從粟

地志無。案：史記粟作驂。

泥野

地志無。

宜冠

本表曰：昌。地志無。

輝渠

本表曰：魯陽。地志無。

麾表作
磨

本表曰：猗氏。地志無。

澤陰表作
涇誤

本表曰：平原。地志有。

輝渠

本表曰：魯陽。韋昭曰：僕多。多表作朋。所封作輝渠。應劭所封作渾渠。並在魯陽。今同作輝。誤也。孔文祥曰：或是一邑分封二人。韋說非是。然張守節曰：輝渠表作順梁。未知又是何別本也。

河基 本表曰。濟南地志無。

常樂 本表曰。濟南地志無。

邳離 史記作符離。本表曰。朱虛謂邳離。索隱曰。沛謂符離也。地志無邳離。

義陽 本表曰。平氏地志有。

杜 索隱曰。表在東平。今本作重平。則勃海也。地志無。案史記杜作壯。

衆利 見前。

湘成 本表曰。陽城地志無。

散 本表曰。陽城地志無。

臧馬 本表曰。朱虛地志無。

臄 見前。案史記又作瞭。

術陽 本表曰。下邳地志無。

龍 史記作龍元。蕭該非之。索隱曰。龍。魯邑。見左傳。案此卽前龍陽侯之龍。地志無。案今本史記元作亢。

成安 索隱曰。表在邾。志在陳留。謬也。邾屬潁川。而潁川有成安。曰侯國。韓千秋邾人。則潁川之成安

是也。非陳留也。

昆 本表曰。鉅鹿地志無。

騏

本表曰北屈地志曰侯國

梁期

索隱曰魏地志有

賸

索隱曰表在下邳則非前所封二侯之賸也而今本作南陽當是索隱所見爲古本。地志無。史案

記又作賸傳寫誤也

將梁

屬涿見土子表中

安道

本表曰南陽地志無

隨桃

索隱曰表在南陽然則今本脫地志無

湘成

本表曰堵陽地志無道元誤以爲相成案今本漢表無堵陽字

海掌

本表曰琅邪地志無案史漢二表俱作海常恐誤寫作掌

外石

本表曰濟南地志無

下酈

史記作下酈本表曰南陽則史記是地志有

繚嫫

西南夷傳作聊嫫地志無

薊兒

卽語兒也屬會稽地志無案史記薊作藥

開陵

本表曰臨淮地志曰侯國

臨蔡

本表曰河內道元誤以爲金城之臨羌地志無

東城

本表曰九江地志有

無錫

本表曰會稽地志有

涉都

本表曰南陽地志無續志乃鄉名

平州

本表曰梁父地志無

荻丘

本表曰勃海地志無

濫清

本表曰齊地志無

案今本此下尚有
茲候一條

浩

地志無

輒讖

本表曰河東地志有

幾

本表曰河東地志無案國策及史記趙世家皆曰魏邑張守節曰在湘潞間

涅陽

本表曰齊而道元曰南陽索隱同蓋涅水不在齊也

海西

胡三省曰地志屬東海郡琅邪亦有之今流俗本皆誤作海曲

新時

本表曰齊地志無

承父

本表曰東萊地志無

開陵

見前

棻

本表曰濟陰地志有

重合

本表曰勃海地志有

德

已見王子表中

題

本表曰鉅鹿地志無徐文靖曰卽清河之懸題非也荀紀作蹋蹠則以其蹋戶救太子故案樂史曰懸題在棗強則本表是

邗

本表曰河內地志有荀紀作抱則以其抱太子故

轅陽

本表曰清河文潁誤以爲魏之清淵蓋繚也地志有

常塗

本表曰九江地志曰侯國

蒲

本表曰琅邪地志無

承父

表作承父

見前但二侯除國封國亦頗相重有誤

棻

見前

建平

本表曰濟陽地志屬沛曰侯國本表誤也

宜城

本表曰濟陰地志無

弋陽

索隱曰汝南地志曰侯國

商利

本表曰徐地志無

成安

見前。

平陵

見前。道元誤以爲平陽。

義陽

見前。

長羅

本表曰。陳留地志曰。侯國。

爰戚

地志屬山陽曰。侯國。

博成

本表曰。淮陰地志無。案索隱曰。表在臨淮。則與今本異。

高昌

本表曰。千乘地志有。

平通

本表曰。博陽地志無。

都成

道元引作郿都曰。山陽鄉也。案山陽有城都縣。非鄉也。且郿都。非城都也。合郿都與城都。皆非

都成也。故樂史疑之。索隱曰。潁川地志亦無之。

合陽

本表曰。平原地志有。樂史曰。信都郡東。

安遠

本表曰。慎地志無。

歸德

本表曰。汝南地志有。

信成

本表曰。細陽地志有。

義陽

見前。

義成

地志屬沛。

駟望

本表曰琅邪。地志曰侯國。

延鄉

地志屬千乘。

新山

地志屬琅邪。曰侯國。

童鄉

當是勃海之章鄉。誤文也。地志曰侯國。樂史引十三州志云。饒安縣之童鄉亭。卽古章鄉縣也。

字類而譌。

樓虛

地志屬平原。曰侯國。

臨泗

當是沛之故縣。而後省。

周呂令

索隱曰。濟陰之呂都。又曰。改封令。邑名。在滎陽。見晉書地道記。則妄也。史記明曰。令武爲諡。而

忽曰邑乎。又案楚亦有呂。

鄜

史記作鄜。則南陽鄜。則馮翊。地志有。

腫

索隱曰。東萊。地志有。

東平

索隱曰。東平。地志有。

汶

索隱曰。汶。蓋縣以汶水名也。漢志傳寫誤汶爲汶。而師古曰。音問。謬哉。地志有。

建成

地志屬沛。曰侯國。

不其 地志屬琅邪。

漢陽 史記作湖陵者是。

扶柳 索隱曰信都地志有道元曰琅邪蓋誤失去柳字也。

襄城 索隱曰潁川地志有。

軹 索隱曰河內地志有。

壺關 道元曰上黨地志有。

昌平 索隱曰上谷非也諸王表作平昌則是平原或琅邪也地志平原曰侯國。

贅其 索隱曰臨淮地志有。

滕 索隱曰沛蓋卽公邱也地志有。

呂 徐廣曰宛道元同地志無。

祝茲 見前。

建陵 索隱曰東海地志曰侯國。

軹 見前而索隱外戚傳注又以爲長安之軹道。

郎 索隱曰太原本紀作靖郭師古疑郎是後改所封但表言郎侯坐濟北王反弗救國除則當近

齊非遠在太原郡中者也顧祖禹曰是鉅鹿之郎亦無據案史記又作清都則傳寫之變也。

周陽

道元曰。聞喜蓋邑名也。索隱曰。上郡則是陽周矣。趙兼之子遂以周陽爲姓。豈可顛倒乎。

章武

索隱曰。勃海地志有。

南皮

索隱曰。勃海地志有。

魏其

見前。

蓋

道元曰。秦山地志有。索隱曰。勃海非也。

武安

索隱曰。魏地志有。

周陽

見前。

長平

道元曰。上黨非也。索隱曰。汝南地志有。

宜春

索隱曰。汝南其豫章亦有之。而屬汝南者曰侯國。

陰安

索隱曰。魏地志有。

發干

索隱曰。東郡地志有。

平津

本表曰。高成地志無。

冠軍

本表曰。南陽地志有。

樂平

本表曰。東郡案東郡之清。章帝始改樂平。向疑表誤也。及讀索隱曰。表在平氏。乃知今本爲後

人所妄填者。其常屬南海無疑也。案南海應作南陽。史記作樂成。故道元以爲河閒亦誤也。

冠陽 本表曰南陽地志無

周子南 本表曰長社地志之周承休是也曰侯國

衛 本表曰觀地志之畔觀也

樂通 本表曰高平韋昭曰臨淮之高平也地志無

牧邱 本表曰平原地志無

富民 本表曰蘄地志無

博陸 本表曰北海河閒東郡師古曰光初食北海河閒後益封東郡也夫光初食三千戶乃占二方

後益封一萬七千戶乃止一地乎不知光初食封爲北海之河東城見文穎注後益邑則河東之河北縣及東郡之東武陽縣見本傳是侯表誤也而師古亦失攷臣瓚曰今河陽有博陸城地志無

安陽 本表曰蕩陰而道元曰宏農索隱曰汝南皆謬地志無

桑樂 本表曰千乘地志無

宜春 見前

安平 本表曰汝南地志無索隱曰志屬涿

富平 本表曰平原地志曰侯國案本傳初封陳留別邑在魏郡其後改封平原

陽都

地志屬城陽

陽平

索隱曰東郡地志有

營平

索隱曰濟南地志無

平邱

本表曰肥城則泰山也索隱曰志屬陳留非也

昌水

本表曰於陵地志無

陽城

本表曰濟陰索隱曰誤也濟陰是城陽非陽城而汝南潁川各有陽城予案地志則汝南是

陰今本或作濟陽

爰氏

本表曰單父地志無

扶陽

本表曰蕭地志曰侯國

平恩

索隱曰魏地志曰侯國

高平

本表曰柘則淮陽也地志無索隱以爲臨淮者誤

平昌

道元曰平原地志曰侯國

案表平昌之後次以博陽建成而博陽建成表皆曰汝南樂昌表曰南頓陽成表曰汝南與此前後互易自應以此爲是殆謝山所見之表別是一本耶

樂昌

本表曰汝南地志無道元曰東郡

陽城

本表曰汝南地志曰侯國

樂陵

索隱曰：臨淮平原俱有之。予案地志是臨淮。

案今本表曰臨淮。

武陽

本表曰：郟。

今本作東郡。

地志無。

案東郡有東武陽，東海郡有武陽，且注曰侯國。此云志無，殆訛有爲無也。此卷似此者尙多。

邛成

本表曰：濟陰地志無。宋祁曰：卽山陽之郛成，未敢信也。

安平

常是東安平地志有。

將陵

地志無。

平臺

本表曰：常山地志曰：侯國。

博望

見前。

樂成

本表曰：平氏地志曰：侯國。

博陽

本表曰：南頓地志曰：侯國。

建成

本表曰：沛道元曰：勃海地志沛之建成曰：侯國。

西平

本表曰：臨淮而道元以爲汝南之西平地志有。

案今本無臨淮字，又案臨淮汝南皆有西平，而皆不云侯國，此恐是東海之平曲耳。平曲乃曲平之訛，而曲

平又訛西平，檢第三卷平曲條自見。

陽平

見前。

案本表曰郟。

安成

本表曰：汝南地志曰：侯國。

平阿

本表曰：沛地志曰：侯國。

成都 本表曰山陽。然則當作城都。而本表及元后傳皆作成都。誤也。地志曰侯國。

紅陽 本表曰南陽。地志曰侯國。

曲陽 本表曰九江。地志曰侯國。

高平 本表曰臨淮。地志曰侯國。

新都 本表曰南陽。地志曰侯國。

褒折 地志無。案今本褒折作褒新。

賞都 地志汝南之宜祿也。

樂安 本表曰儻。地志無。

安昌 本表曰汝南。道元曰河內。地志屬汝南者曰侯國。然攷張禹乃河內人。恐以道元爲是。

高陽 本表曰東莞。地志無。案琅邪有高陽。且注曰侯國。而此云志無。可知此書之訛字多矣。

安陽 見前。

成陽 本表曰新息。地志曰侯國。荀紀作陽城。誤也。道元亦誤以爲陽城。

新成 地志屬北海。曰侯國。荀紀作新城。誤也。

高陵 本表曰琅邪。地志曰侯國。

安陵 本表曰汝南。地志無。案今本安陵作定陵。則正屬汝南。

殷紹嘉 本表曰沛地志有。

宜鄉 地志無。

汜鄉 本表曰南陽地志無。

博山 本表曰順陽地志曰侯國。

陽安 地志屬汝南。

孔鄉 本表曰夏邱地志無。

平周 本表曰湖陽地志無。

高樂 本表曰新野地志無荀紀作高鄉亭者誤也。

義陽 本表曰東海案本傳以東海之厚邱爲國地志無胡三省曰新野誤也。

高武 本表曰杜衍地志無。

楊鄉 本表曰湖陵地志無。

新甫 本表曰新野地志無。

汝昌 本表曰陽穀地志無。

陽新 本表曰新野荀紀作長信誤也地志無。

高安 本表曰朱扶胡三省曰朱扶無可攷。

方陽

本表曰龍亢而道元曰酈之房陽地志無

宜陵

本表曰杜衍地志無道元作宜陽誤也

長平

本表曰濟南地志無

扶德

本表曰贛榆地志無

扶平

本表曰臨淮地志無

廣陽

本表曰汝南地志無案今本汝南作南陽

承陽

本表曰汝南地志無

褒魯

本表曰南陽平案泰山郡有南武陽有東平陽山陽郡有南平陽而獨無南陽平況褒魯者秦

山郡之桃山也地志有

褒成

本表曰瑕邱地志無

防鄉

地志無常卽檀弓之防亦見左傳魯邑

紅休

蓋兼食其先人所封二縣

案今本此下尚有密鄉侯一條

定鄉

地志無

常鄉

道元曰高苑地志無

望鄉 地志無。

南鄉 見功臣表。

邑鄉 地志無。

亭鄉 地志無。

章鄉 地志屬勃海。

蒙鄉 地志無。

盧鄉 地志屬東萊。

成武 地志屬山陽。

明統 以名號封。失其地。

破胡 以名號封。失其地。

討狄 以名號封。失其地。

右功臣及外戚恩澤侯表。

地志云。平帝時侯國二百四十一。案志所書之郡三十一。共得侯國一百九十四。失去四十七國。而一百九十四者。山陽之郛成。涿之良鄉。北海之饒琅邪之柔輿慎鄉。桂陽之陰山。廣平之陽臺。不見于表者有七。蓋互有斷脫矣。實則漢末侯國尙不止二百四十一而已也。

右漢書地理志稽疑六卷。國朝全祖望撰。案先生字詔衣。一字謝山。鄞縣人。乾隆元年薦舉博學鴻詞。卽以正科成進士。改庶吉士。未與鴻博試。散館。改知縣。遂歸。據董秉純所撰年譜稱。先生補博士弟子。以古文謁查初白。初白謂萬九沙曰。此劉原父之儔也。舉北京鄉試。李穆堂見其行卷。曰。深富東發。以後一人也。阮文達國史儒林傳稿稱。先生年十六。能討論經史。證明掌故。爲學淵博無涯涘。於書靡不貫串。在翰林。與李穆堂共借永樂大典讀之。每日各盡三十卷。明史館開。爲書六通移之。先論藝文。次論表。次論忠義。隱逸兩列傳。皆以其言爲隲。肇經室集稱經學。史才。詞科。得一足以傳。而先生兼之。經史問答實足與顧亭林。日知錄相埒。何子貞太史龍泉寺檢書圖記。則謂阮文達以先生是書與胡朏明。禹貢錙指並稱。其推崇也至矣。先生著有天一閣碑目。丙辰公車徵士。錄甬上耆舊詩。鮎埼亭集。嘗著詞科。撫言未就。而年譜則稱先生精力所萃。凡三書。曰七校水經注。曰增脩宋儒學案。曰困學紀聞三牋。而不及是書。朱滄湄太史偶得寫本。讎勘刊行。而流佈仍未廣。重付剞劂。俾言地理之學者有所稽焉。又先生嘗主吾粵端溪講席。咸豐癸丑端陽節後二日。南海伍崇曜跋。

